

.. إلى شهيدة مدارس الأحد

.. إلى روح نرمين الطاهرة

1. يا طفلة فرحانة يا وردة وريحانة.
2. الصبح رايحة الدرس بتضحكي معانا.
3. ولما نتكلم نلقاكي سمعانا.
4. بعد ساعات تبقي ليه جثة همدانة.
5. تبكي العيون وتتوح لما البراءة تروح.
6. باهرة يا جميلة ليه بقيتي من غير روح.
7. يا ريت يا روح طاهرة قدام يسوع تقفى وتحكى شكوانا.
8. شايلك وانا باجرى على الطريق حافى.
9. عايز أنقذ البسمة والينبوع الصافى.
10. دمك يا أعلى الناس ليه مغرق اكتافى.
11. وكل يوم جمعة أطفال علينا تفوت.
12. طريق سريع يا ناس فيه فى أي لحظة الموت.
13. نرمين وجاها اليوم ياترى مين بكرة هاينده عليه الصوت.
14. عزانا وراحتنا ان احنا زفينا عروس للملكوت.